

E cor ad Santa Maria

A sem una bela banda, che te cor dla parochia a cantem
e tot e nost impegn ai mitem,
un mòch ad bona volontà
per fe un servizi ma tot la comunità.
L'è da una masa ad an, che avem viè
e parec mestri avem cambiè,
urmai, ain'avem vesti ad tot i culur
e as divertem sicur.
Ogni musicesta che l'è pas,
un bel ricord u sa las.
Zert, l'è un bel labour
anche per e sunadour,
perché nun a cantem sa pasion
ma mestri an sem nisun.
Tot i vendri as riunem
e canzon novi a pruvem,
a mitem so tre o quatri vousi
i sé al vin piò molodiousi
ma quand a l'avem zà impareda
l'è fadiga a cambiè la sua arieda
aloura al provi lis fa duri
e al rabiaduri agl'è sicuri.
L'inizi spes us fa desiderè,
perché ogn'un l'aspeta ma clelt per tachè.
Ma sopratot i sa insgnè,
che an si sem mai da farmè;
anche se dal volti, sota la benca andaresmi a fni'
s'una vergogna da murì.
Po' e basta una muliga ad distrazion
per truves tla cunfusion
e quand a pansem da voila messa tota,
l'è cla volta che la è annu brota.
Ad tot st'ian, pero' pansendi ben,
ain'avem fat un sac dal robi insen:
funerel, spusalizi, purtision,
Pasqua, Nadel e bindizion.
Quand us ciapa l'emuzion
l'è una fadiga anche per nun',
perché ut vin da pianz o da rid
aloura a sem fnid
un fil ad vousa e vin fura
e cantè la è propia dura.

Quand a sem po' ma la purtision
las fa bela la question,
perché a cantè intent che tcamin
e fiè so' un ti vin.
Anche me semineri a sem andè
e un CD avem vu e curag da registre,
se " zucon" po an stag a di'
quant assem diverti';
al deg s'un pezg ad presunzion
ain'avrem fat 20 edizion.
Per beneficienza du chi sa ciamè
a sem sopra andè.
Per ciud sta zirudela a voi di'
che se an fem ben as perdunari'
e me Signour, s'una granda riverinza
che l'ava ancoura un po'ad pazinzia.
Mi ragaz po' ad oz dè,
che i venga sa nun a cantè,
sal su vousi freschi e beli, tot in armonea
vic e zomni insen a saresmi un' aligra cumpagnea.

Agosto 2010

Romani Luisa.